


Ta sá kachi ntiuxí lo'o saá:

—¡Kuá'an-ntó! Täxi-i xitá kuxi-ntó, chi tá kachíñu-i nii iin-ntó kóníchinteé-ntó yu'u, ta míí va kuxi-i xitá vichin —kachi ntiuxí lo'o.


Ta sá káchi-rí saá:

—Yoo kúú-na kökáchíñu, ta küxi va-na xitá.



Iin ichí iin ntiuxí lo'o ntíso-rí nto'ó-rí, ta ntiki'in-rí kua'an-rí ichí. Mă'ñu ichí, ra, ntani'í-rí iin xikó'ó nixitia nti'i nuní ini-ña, ta ntiki'in-rí nuní sá káchi-rí saá: “Ná ntiki'in-yó nuní, ra ku'un-ña xí'in-yó ve'e-yó, ta ikán chi'i-yó-ña, ra ntukua'á va'a-ña, ra ná koo kua'á níí nuú-yó”, ka'an-rí.

Ra ikán ntachi'í-rí nuní, ra kua'an-ña xí'in-rí ve'e-rí.



Ra nixaa kíí ña chi'i-rí, ra kixáá-rí tá'ví-rí ñu'ú, ta sá káchi-rí saá: “¿Yoo kúú-na chinteé yu'u?”

Tá nti'i xini-rí xíka iin tina, ra nika'an-rí xí'in-rí:


—¿Á kuvi chinteé lo'o-ún yu'u ná ta'ví-yó ñu'ú ta kana lo'o nuni kuxi-yó? —kachi-rí xí'in tina.

Ta ntakuiin tina káchi-rí saá:

—Kökúni-i kachíñu-i chi koo tiémpo-i —káchi tina.

—Va'a va, átu küvi —kachi ntiuxí lo'o xí'in-rí.

Ta kixáá tuku ntiuxí lo'o kachíñu-rí.




Tá xikuaá sá káchi ntiuxí lo'o saá:

—¿Yoo kúú-na chinteé yu'u kuxi xitá? —kachi-rí.

Tá nti'i sá káchi nti'i kití saá:

—¡Yu'u! ¡Yu'u! ¡Yu'u! ¡Yu'u kuxi-i xitá! —kachi nti'i-rí.




Ta kixaa-rí ve'e-rí tá nti'i saá kixáá-rí chikaa-rí xá'a, ra kixáá nti'ko-rí. Kuyachin iin chítun nuú sáva'a-rí xitá, ta sá káchi ntiuxí lo'o xí'in-rí:

—Na'a chinteé-ún yu'u ná ntikó-yó, ra taxi-i xitá kuxi-ún —kachi-rí.

—Küvi chi kuchi yuxán nta'á-i, ra kökúni-i kuyakua-ña —kachi chítun.

—Va'a va —kachi ntiuxí lo'o.

Saá ra, kana chítun kua'an-rí.



Ra santi'i-rí ta'ví-rí ñu'ú, ta saá kixáá-rí chí'i-rí nuní. Tá nti'i, ra niya'a iin tixu'ú, ra sá káchi ntiuxí lo'o saá xí'in-rí:


—¿Á chinteé lo'o-ún yu'u ná chi'i-yó nuní xí'in-i?

Ta sá ntakuiin tixu'ú káchi-rí saá:

—Köo tiempo-i chinteé-i yó'o chi ra kúkún kúú-i, ra ña'a va kua'an yu'u ntukún-i kuxi-i —kachi-rí, ra kua'an-rí.

—Va'a va —kachi ntiuxí lo'o.

Ra ntukunteé-rí kachíñu míí tu'un saá-rí.



Tá nt̄i'i, ra k̄ixáá kána itu, ra k̄ana nǎ'a
ȳuk̄u xa'á-e, ta nt̄iki'in-rí kua'an-rí
kachíñu-rí xa'á itu-rí, ra tá nt̄i'i, ra ikán
nt̄ani'í-rí iin kolo.

—¿Na kúú-a k̄ixa-ún? —káchi kolo xí'in-rí.

—Yó'o káchíñu-i tú'ún-i lo'o ȳuk̄u. Na'a
chinteé lo'o-ún yu'u ná kachíñu-yó, ta taxi-i
kuxi-ún —kachi-rí xí'in kolo.

Ta sá káchi kolo saá:

—Kútiáñu-i. Íya nuú ku'un-i —kachi kolo
xí'in-rí.

—Va'a va, iinka k̄í chinteé-ún yu'u átu saá
—kachi-rí.



Tá nt̄i'i xa'nu itu-rí, ra kua'an-rí sákee-rí.
Ntákaa-rí sákee-rí, ra niya'a iin kin̄i lo'o.

—Na kúú-a k̄ixa-ún —kachi kin̄i lo'o
xí'in-rí.

—Ñá sákee kúú-i. Na'a chinteé-ún yu'u
—kachi-rí xí'in-rí.

Ta sá nt̄akuiin kin̄i lo'o káchi-rí saá:

—Köo tiémpo-i chi t̄intuyú kua'an-i
ntukún-i kaxí-i —kachi-rí xí'in-rí, ra kua'an-rí.

—Va'a va —kachi-rí, ra saá sant̄i'i-rí
sákee-rí.